

Nov model da finanziaziun per las scolas medias

Il cussegl grond ha cumenzà ier cun la tractaziun da la reviuin parziala da la lescha davart las scolas medias en il Grischun

DA MARTIN CABALZAR

■ **Differentas intervenziuns parlamentaras (Men Bischoff, Heinrisch Berther Remo Cavegn, Vincent Augustin) da l'ultim temp han pretendi che las contribuziuns chantunalas a las scolas medias privatas vegnian augmentandas. Uschia duai tranter auter vegnir fatg frunt al regress dal dumber da scolars en las scolas medias privatas. En sia missiva al cussegl grond ha la regenza proponi in nov model da finanziaziun che consista d'ina pauschala da gestiun, d'ina pauschala d'investiziun, d'ina pauschala supplementara sco era d'ina pauschala da lingua. Cun la pauschala da gestiun vegnan indemnissads ils custs per il manschi general da scola. Vitiers vegn la pauschala d'investiziun che sa basa sin ina valitaziun da l'edifizi da la scola chantunala grischuna a Cuira. Las expensas da las scolas privatas – che èn cumpareglià cun la scola chantunala – pli grondas pervia dal dumber da scolars pli pitschen vegnan resguardadas cun ina pauschala supplementara sin las pauschalas da gestiun ed investiziun. Pli pitschen ch'il dumber da scolars che frequentan la scola è, pli gronda che la pauschala supplementara è. Cun la pauschala da lingua vegnan indemnissadas las prestaziuns spezialas per promover las linguas chantunalas.**

Ils custs supplementars

Tut en tut chaschuna la revisiun parziala custs supplementars annuals en l'autezza da ca. 3.5 milliuns envers il model da finanziaziun vertent. Da quels fan part 700 000 francs d'ina pauschala d'investiziun pli gronda cun risguardar da nov la cumplettaziun planisada per ina men-



Luca Tenchio (pcd Cuira) ha presidià la cumissiun da furmaziun e cultura.

FOTO O. ITEM

sa e per ina medioteca a la Scola chantunala grischuna.

Autezza da la contribuziun è dispitaivla

Sco quai che il parsura da la cumissiun per furmaziun e cultura Luca Tenchio (pcd) rapportà en las contribuziuns d'investiziun dal chantun a favur da las scolas medias privatas stadas il punct principal da la discussiun. La cumissiun ha

proponi cun gronda maiortad da resguardar tar las contribuziuns menziunadas era ils tschains da la media da l'agen chapital lià. Quai augmentas la pauschala d'investiziun proponida en missiva da circa 3 400 francs sin circa 4 800 francs per onn e per scolars. Quest augment duai tenor Tenchio garantir ch'i stattan a disposiziun a la scolas medias privatas avunda meds finansials per cuvrir lur bassegn d'investiziun e quai a basa da las in-

vistiziuns che vegnan fatgas dal chantun a la scola chantunala grischuna. Plinavon fa la cumissiun unanimain la proposta d'integrar en la lescha in nov artitgel per pudair conceder ananolgamain a la lescha davart la scola populara, contribuziuns pauschalas per promover giuvens spezialmain talentads.

Scola d'informatica

In fatg che è vegnii contestà gia en la

cumissiun è stà quel da conceder la las scolas medias privatas la pussaivladad da manar scolas medias d'informatica.

L'idea per l'introducziun da la scola d'informatica ch'era vegnida stritgada per motivs da spargn deriva da l'edeputà cristiandemocrat Remo Cavegn. Ina stgarsa maiortad da la cumissiun refusa dentant questa idea. La debatta davart la scola d'informatica è stada lunga ed intensiva. Entant che ils represchentants da las regiuns han argumentà che questa nova scola satisfetschia ad in grond bassegn da l'economia e saja ina purschida innovativa che rinforzia las scolas medias regiunalas, han represchentants dal center averti da sutminar cun questa nova scolaziun la scolaziun professiunala.

Malgrà ch' il cussegl grond aveva già approvà cun 96:3 vuschs l'incumbensa da Remo Cavegn e malgrà che tut las partidas avevan beneventà la reintroducziun da la scola spezialisada per programaders d'informatica è quella vegnida refusada dal parlament cun 59:58 vuschs, resguardond e vusch da tagl dal parsura Duri Campell.

La scola d'informatica è vegnida sustegnida en la debatta da Luca Tenchio (pcd), Cornelia Märchy (pcd), Sandra Locher (ps), Conradin Caviezel (ps), Margrit Darms (pcd), Remo Cavegn (pcd), Adrian Steifer (pld), Felix Duosch (pld), Vera Stiffler (pld), René Epp (pcd), Sievi Sgier (pcd), Leo Jeker (pbd), Silvia Casutt (pcd), Aurelio Casanova (pcd), Theo Joos (pcd) e Gabriela Tomaschett (pcd). Cumbattida è la reintroducziun vegnida da Christian Kasper (pld), Domenic Toutsch (pps), Beat Niederer (pcd), Andreas Felix (pbd), Jan Koch (pbd) e Reto Bonderer (pld) ed Angela Casanova (pld).